

Dakota ta sigui inspira, Dakota tey !!...Anto...tur dia !!

Tin ta bisa, cu ta hendenan kon cu ta ta biba den
Dakota, nos dushi bario stima
Otro ta bisa, cu ta hendenan problematico,
hendenan bringado

Pero di curason hopi sa, cu hopi bon hende a sali
padilanti, como un luchado
No di pleito, no, no bringando pa motibo di celos
of pamotibo di otro cos

Pero, un luchado pa sali padilanti, plantando
respet, como un mihor hende ehemplar
Un luchado pa hiba su mes y su pais Aruba
padilanti, cu un curason familiar
Un luchado humilde y pacifico, cu e armanan di
“ fe, speranza y amor “

Tin ta bisa, cu ta Dakota tin e mihor futbolistanan
di Aruba

Otro ta bisa, cu aki tin e mihor cantantenan di
bolero y tumba sin duda

Pero di curason hopi sa, cu tin hopi bon hende
mas cu ta luci den nan mesun manera
No di competi, pero di comparti, apoya y kere
den su mes y den su dushi tera

Pasobra, un Dakotero ta keda un Dakotero den
mente, alma y curason

Dakota ta e cas pa hopi famianan sincero, jolly of

trahado, cu hopi dedicacion
Un Dakota creciendo, cu tambe tin mester di
cooperacion

Tin ta bisa, cu ja Dakota no ta e Dakota mas di
antes y esei ta berdad
Manera tur bario, tin cambionan y cresemento,
tin ta bin bay den tur trankilidad

E grandinan cu a laga nan ehempelnan como
herencia riba tur tereno sa
Cu e generacionnan di awendia ta mas tripi y no
tur ora debidamente ta comporta
Pero, cu e bon simianan positivo planta, ta sigui
duna su consejo y cosecha tur dia
Pasobra, no ta por nada, nos por jama nos mes cu
orguyo “ Dakota tur dia “!!

Dakota tin su historia, yen di ups and downs,
pero tambe yen di victoria cu alegria !!

Dakota, bo lo keda e bario dushi di mi, cu mi no
por lubida

Bo ta e lugar di mas dushi, di bo mi ta ketobai
enamora

Dakota, aunke bo a crese den tamanjo cu mas
casnan den Tarabana pariba

Nos peticion den nos oracion na Tata Dios, pa

nan tambe respeta y stima
Nan dushi bario, nan caya, nan mesun famia y
tambe nan bisinja
Pasobra ta nos tur ta aki na mundo na e lugar
destina caminda nos tin cu sinja
Nos ta prohimo ruman, ban duna un man y
bendiciona cada famia

Di curason mi palabranan di forza, pabien y exito
na tur cu ta sinti nan mes Dakotero
Cu un melodia dushi di un tumba cayente, of cu
un melodia romantico di un dushi bolero
Canta awe, den bo banjo, den bo curason, den bo
auto of den bo cura

Y laga tur otro bario sa, cu nos Dakota ta ketobai
firme y positivamente bon para
Cu yudanza di comerciantenan y instancianan cu
ta kere den nos

Nos por sigui traha pa logra mas cos bunita, mas
bon cos

Cu amor nos ta gradici un y tur, pa e amor, carinjo
y atencion duna na nos !!.

**Autor : Ruthy “Lady Ruth” Vrieswijk-Bergen
Aruba, Juli 2008**